

E ald unn e nei Wort

Omm Moondaach in dere Woch habb isch moin ahle Kummbeer Hubert oogerufe. Ei gude, Hubert, habb isch ins Telefon gebrülld, ei wie giehts derr donn?

Hannes, bist du's?, hodder ze Ontwort gewwe, du klingst so fröhlich, was ist?

Freelisch?, habb isch gesaad, naa, villeischd nor e bissi laut, awwer no ja, freelisch könnt isch aach soi, weil mir unn aach de Fraa giehts eischendlich gons gut

Du willst mal hören, wie mir es geht?, seet doo de Hubert, ja, auch mir geht es gut. Aber du hast doch etwas auf dem Herzen, hab' ich recht?

Isch habb ins Telefon gegrinst. Hubert, du host recht, weil isch wollt emol heern, was du vunn dere Sach mett dem Corona-Virus halle dust.

Doo seeder: Mein lieber Hannes, da gibt es einiges, was ich nicht verstehe, die Zahlen der Erkrankten in China zum Beispiel, dort halten sich die schon seit Wochen bei achtzigtausend. Immerhin ist heute zu lesen, dass siebenundfünfzigtausend gesund geworden sind bei zuletzt nur noch vierundvierzig Neuinfektionen. Tatsache ist ja, dass es mittlerweile fast in jedem Staat der Erde einige bis sehr viele Erkrankte gibt, mittlerweile über einhunderttausend! Davon in Deutschland etwa elfhundert mit einem Sterbefall eines Deutschen in Ägypten. Das sind alles die Zahlen von heute, in drei Tagen werden es mehr Infizierte sein. Weil das Virus ja auch auf Türgriffen und Treppengeländern haftet ist die Ansteckungsgefahr besonders groß. Uns bleibt nur, Fremden und auch Freunden nicht zu nahe zu kommen, oft die Hände mit Seife zu waschen, nicht die Finger an die Augen bringen und sie nicht in den Mund stecken. Und einen Impfstoff wird es erst in einigen Monaten, vielleicht sogar erst in einem Jahr geben.

Isch saach: Awwer was mache merr mett dene Veroostaldunge?

Nooch ooner kloo Paus frächt de Hubert: Bitte – was machen wir mit was?

Isch musst herzlich lache. Mit Veranstaltungen, was mache merr mett dene?

Unn widder frächt de Hubert: Was machst du denn, Hannes?

Also, saach isch, die Fraa unn isch, mir hawwe schunn e Feier, also e Veroostaldung, abgesaad. Mir wolle nitt doohie, wo vill Mensche uff kloonem Raum sesomme sinn, wo merr sisch also gons noh kimmt. Unn doodebei wolle merr e Zeitlong bleiwe. Wenns notwennisch iss, kenne merr aach verrzeh Daach im Haus bleiwe ohne beim Aldi ze hommsdern. Mir Alde kennes uns joo oirischde, awwer unser Kinner unn Enkel misse schaffe unn monschmol aach ferr ihr Firma uff Reise gieh. Hubert, machs gut.

Tschüss, Hannes, seet de Hubert, und passt auf euch auf.

Noch omm sellwe Owend habb isch meddem Schorsch omm Telefon gebabbeld unn dess vumm Hubert verzähld; er hott sischs oogeheerd unn hott gemoond, dass dess Kättche gesaad hott, mir misse aach nitt hommsdern. Wenns su kimmt hawwe merr genuch dehoom ferr enn gonse Monat. Omm Schluss seeder: Du Honnes, mir iss die Woch e ald Wort oigefalle, was isch schunn long nimmi geheerd unn sellwer nimmi gesaad habb, waaßde was dess iss?

Naa. Was issen dess ferr e Wort?, frooch isch.

Doo seeder: In unserne Juchend hawwe merr doch gesaad, mir warn mett de gons Korona im Kino. Odder: Die gons Korona hott ooner druffgemachd.

Die gons Korona!, saach isch. Ja, dess hawwe merr sellemols effderr gesaad unn dess hott gehaaße: Mir all sesomme ... Unn hoffendlich isses mett Corona nitt aach su: Mir all sesomme ...

Eiern Honnes